



Adresa: **Ul. Hamije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e – mail: info@voda.ba

Broj: UP-1/21-1-40-056-15/22

Datum: 09.05.2022. godine

„Agencija za vodno područje rijeke Save“ Sarajevo, rješavajući po zahtjevu Ministarstva poljoprivrede, vodoprivrede i šumarstva Srednjobosanskog kantona a u postupku dodjele koncesionog ugovora za zahvat vode u količini do 15 l/s sa izvorišta „Požarna“, općina Fojnica, na osnovu člana 139. stav (1) tačka 1. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99) donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Ministarstva poljoprivrede, vodoprivrede i šumarstva Srednjobosanskog kantona za zahvat vode u količini do 15 l/s sa izvorišta „Požarna“, općina Fojnica.
2. Ova prethodna vodna saglasnost daje se za aktivnost zahvatanja vode na izvorištu „Požarna“ općina Fojnica i ista se može koristiti u postupku dobijanja urbanističke saglasnosti za zahvatanje vode na predmetnom izvorištu, u postupku izdavanja koncesije na vodama i vodnom dobru i okolinske dozvole ukoliko predmetna aktivnost podliježe obavezi ishodovanja iste.
3. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
4. Prethodna vodna saglasnost se daje pod slijedećim uslovima:
 - 4.1. Realizaciju planiranih aktivnosti na terenu vršiti prema tehničkoj dokumentaciji dostavljenoj uz zahtjev: Studija zahvatanja vode za potrebe punionice izvorske vode u svrhu ishodovanja prethodne vodne saglasnosti urađena od strane „Higracon“ d.o.o. Sarajevo, april 2022. godine.
 - 4.2. Pravno lice koje stekne koncesiono pravo je u obavezi da planirane aktivnosti provodi prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.
 - 4.3. Pravno lice koje stekne koncesiono pravo dužno je riješiti imovinsko pravne odnose sa vlasnikom zemljišta na lokalitetu na kojem će se formirati i kompletirati zahvat vode za eksploataciju kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.
 - 4.4. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.
 - 4.5. Ukoliko se na prostoru predmetnog lokaliteta planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.
 - 4.6. Na prostoru predmetnog lokaliteta nije dozvoljeno servisiranje mehanizacije i vozila.
 - 4.7. Na predmetnog lokaliteta je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).
 - 4.8. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih

incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.

4.9. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.

4.10. Nakon realizacije projektovanih aktivnosti na terenu investitor je u obavezi da izvrši rekultivaciju zemljišta, tj. dovede eksploatacioni prostor u prvobitno stanje.

5. Nakon ishodovanja urbanističke saglasnosti za zahvat vode, korisnik koncesionog prava za zahvat vode sa izvorišta Požarna, općina Fojnica dužan je da ovoj Agenciji podnese zahtjev za izdavanje vodne saglasnosti, ukoliko će zahvatiti količinu vode iznad 10 l/s, a ako će zahvatati količinu vode manju od 10 l/s, za izdavanje vodnih akata nadležano je Kantonalno ministarstvo. Uz zahtjev dostaviti sljedeću dokumentaciju:

- a) Investiciono-tehničku dokumentaciju
- b) Rješenje o urbanističkoj saglasnosti i okolinskoj dozvoli za predmetnu aktivnost.
- c) Dokaz o izvršenoj uplati administrativne takse u iznosu od 60,00 KM.

6. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.

7. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Ministarstvo poljoprivrede, vodoprivrede i šumarstva Srednjobosanskog kantona podnijelo je zahtjev za izdavanje Rješenja o prethodnoj vodnoj saglasnosti u postupku dodjele koncesionog ugovora za zahvat vode u količini do 15 l/s sa izvorišta „Požarna“, općina Fojnica.

Uz zahtjev je dostavljena sljedeća dokumentacija:

A. Opća dokumentacija

- Uvjerjenje o poreznoj registraciji od 12.12.2003. godine izdato od strane Kantonalnog poreznog ureda Novi Travnik – kopija,
- Obavještenje o razvrstavanju pravnog lica prema djelatnosti, broj: 04-32.5-1-4236285200006/02 od 12.12.2003. godine izdato od strane Službe za statistiku za područje Srednjobosanskog kantona – kopija,
- Akt izdat od strane JKP „Šćona“ d.o.o. Fojnica, broj: 146/22 od 07.03.2022. godine – kopija,
- Akt izdat od strane JKP „Šćona“ d.o.o. Fojnica, broj: 131/22 od 25.02.2022. godine – kopija,
- Ugovor o koncesiji za korištenje voda, broj:173/99 od 14.06.1999. godine potpisan od strane Ministarstva šumarstva, poljoprivrede i vodoprivrede Srednjobosanskog kantona – kopija,
- Odluka o davanju saglasnosti u postupku dodjele koncesije za flaširanje vode i bezalkoholnih pića, broj:01-04-52-16/22 od 20.01.2022. godine izdata od strane Općinskog vijeća Fojnica – kopija,
- Odluka o davanju prethodne saglasnosti za prenos prava i obaveza za flaširanje vode i bezalkoholnih pića, broj: 11/22 od 10.01.2022. godine donesena od strane Nadzornog odbora JKP „Šćona“ d.o.o. Fojnica – kopija,
- Zapisnik sa javne rasprave, broj: 08-19-11-3/22 od 10.01.2022. godine – kopija,
- Dokaz o uplaćenju upravnoj pristojbi na zahtjev.

B. Tehnička dokumentacija

- Studija zahvatanja vode za potrebe punionice izvorske vode u svrhu ishodovanja prethodne vodne saglasnosti urađena od strane „Higracon“ d.o.o. Sarajevo, april 2022. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl. novine FBiH“ broj:31/15, 55/19, 41/20), bio oglašen dana 25.02.2022.godine na oglasnoj ploči Agencije i u dnevnom listu „Oslobođenje“. U postupku

oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

Javnom komunalnom preduzeću "Ščona" d.o.o. Fojnica od strane Ministarstva poljoprivrede, vodoprivrede i šumarstva Srednjobosanskog kantona je Ugovorom br.173/99 od 14.06.1999 godine dodijeljena koncesija za korištenje vode sa izvorišta „Požarna“ za potrebe javnog vodosnabdijevanja vodom korisnika vodovoda i za flaširanje pitke vode i bezalkoholnih napitaka na vremenski period od 30 godina počev od 01.06.1999 godine.

Aktom br.11/22 od 10.01.2022 godine JKP „Ščona“ d.o.o. Fojnicu donijela je Odluku o davanju prethodne saglasnosti za prenos prava i obaveza za flaširanje vode i bezalkoholnih pića na privredno društvo "Sa-Sara" d.o.o. iz Fojnice. Na osnovu ove odluke Općinsko vijeće Fojnica svojim aktom br.01-04-52-16/22 od 20.01.2022 godine donijelo je odluku o davanju prethodne saglasnosti u postupku dodjele koncesije za flaširanje vode i bezalkoholnih pića privrednom društvu "Sa-Sara" d.o.o. iz Fojnice sa izvorišta „Požarna“ u količinama viškova vode za snabdijevanje građana općine Fojnica procijenjenih na cca 15 l/s.

Prema podacima navedenim u „Izvještaj Hidrogeološka istraživanja u području izvorišta „Požarna“ Fojnica - Faza I“, uređenom od strane Instituta za Geologiju Građevinskog Fakulteta u Sarajevu, Sarajevo mart/april 2007 godine minimalna izdašnost izvorišta $Q_{min} = 62,6$ l/s, a maksimalna $Q_{max} = 1489$ l/s.

Obzirom da se za vodosnabdijevanje Fojnice pored Izvorišta „Požarna“ koriste i izvorišta „Bježanija“ kapaciteta 30 l/s i „Vrutak“ kapaciteta 40 l/s proizilazi da su procijenjeni viškovi na izvorištu „Požarna“ od 15 l/s realni.

Voda iz izvorišta će se koristiti kao svježa izvorska voda za punjenje i flaširanje, za sanitarne i djelomično protivpožarne potrebe.

Nakon uvida u dostavljenu dokumentaciju konstatovano je da je razmatrani kolektor podzemnih voda značajan, kako sa hidrogeološkog i prostornog stanovišta tako i sa stanovišta mogućnosti zahvatanja i korištenja vode.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 4. dispozitiva rješenja, shodno odredbama člana 111. Zakona o vodama, članom 17. stav (1) tačka 1. Pravilnika o sadržaju, obliku, uslovima i načinu izdavanja i čuvanja vodnih akata propisani uslovi koje je Investitor dužan ispuniti prilikom izvođenja eksploatacionih radova.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- Ministarstvo poljoprivrede, vodoprivrede i šumarstva Srednjobosanskog kantona
Prnjavor 16 A, 72270 Travnik,
- AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava